

## გამარჯვება კუიბიშევში

კუიბიშევი. “მეტალურგის” სტადიონი. 11 მაისი.

“კრილია სოვეტოვი” (კუიბიშევი) – “დინამო” (თბილისი) 1:3 (1:3).

“კრილია სოვეტოვი”: ლისენჩუკი, ლოსევი, კუპრიანოვი, სიბგატულინი (მინაევი), არუთინიანი, პანფილოვი, სილოროვი, მარტინოვი, კუზნეცოვი, პილიპუკო. ფეტისოვი.

“დინამო”: გაბელია, ხიზანიშვილი, ჩივაძე, ხინჩაგაშვილი, გ. მაჩაიძე (მუჭირი), დარასელია, მ. მაჩაიძე, ქორიძე, შენგელია (ყიფიანი), ჩელებაძე, სულაქველიძე.

მსაჯი: ა. პოლიკანოვი (ლენინგრადი).

დუბლიორები – 2:3.

მატჩის დასაწყისი საკმაოდ წარუმატებელი აღმოჩნდა თბილისელთათვის: მასპინძლებმა ზედიზედ მიიტანეს იერიშები მოპირდაპირე კარზე, ჩივაძეს ძნელი ბურთის გამოტანა მოუხდა ზედ კარის ხაზიდან. მე-6 წუთზე კი პილიპუკომ შეძლო ზუსტად შეესრულებინა გადამწყვეტი დარტყმა და ანგარიში გაიხსნა.

ამას მოჰყვა დინამოელთა შეტევების მთელი სერია და სულ მცირე ხნის, დაახლოებით ათიოდე წუთის მანძილზე კუიბიშეველთა კარი ზედიზედ სამჯერ იქნა აღებული. ამასთან ეს ორჯერ გააკეთა ჩელებაძემ, ორივეჯერ დარასელიას გადაცემით და ორივეჯერ – თავით. მესამე გოლის უშუალო მონაწილეც კვლავ ჩელებაძე იყო. მის წინააღმდეგ უხეშად ითამაშეს მცველებმა, დაინიშნა საჭარიმო დარტყმა, რომელიც ზუსტად გამოიყენა მ. მაჩაიძემ – 3:1.

მეორე ტაიმში კუიბიშეველები ბევრს ეცადნენ გამოესწორებინათ მდგომარეობა, მაგრამ დინამოელთა დაცვა მათთვის დაუძლეველი აღმოჩნდა. თბილისელებმა მორიგი გამარჯვება იზიგმეს.

“ლელო”, 12 მაისი, 1979 წ.